

ՊԱՏԱՐԱԲԱՆԱԿԱՆ ԲԱՐՈՒՆԴԱՆ

ԶԱԲԱՐԻԱ ՎՐԴ. ԲԱՂՈՒՄՅԱՆ

ԿԻՐԱԿՈՍ ՎԱՐԴԱՊԵՏ ԵՐԶՆԿԱՅԻ (կյանքը և գործունեությունը)

Նայ իրականության մեջ իր ուրույն Կրեդենցիալ և ուրեմն ունի Բարձր Նայքի Եկեղյաց գավառը՝ իր Երգնկա կենտրոնով և իմաստասիրական-գրական բեղուն դպրոցով¹, որի առավել նշանավոր սաները՝ Կոստանդին, Նովիաննա Պլուզ, Նովիաննա Ծործորեցի, Մովսես, Գրիգորիս, Մխիթար և Գևորգ երգնկացիներն իրենց բազմաբնույթ գրվածքներով և բուռն գործունեությամբ կերպեցին այդ փառքը՝ մնայուն և անգնահատելի ավանդ ու նպաստ բերելով մարենագրության, մշակույթի, արվեստի և գիտության փառքեր ճյուղերի ծաղկմանն ու բարգավաճմանը: Այս միջավայրի ծնունդ և նվիրյալների փառանգից է ԺԳ.-ԺԴ. դդ. բանիմաց և խորագեր, ազգային, եկեղեցական և հասարակական գործիչ Կիրակոս վրդ. Երգնկացի († 1355)²՝ մարենագիր, աստվածաբան, մեկնիչ, փիլիսոփա, շարականագիր, փառասաց, մանկավարժ, քրոնոգրաֆ և բարոնապետ, որի մասին մեծ գովեստով և պատկառանքով են արտահայտվում ձեռագրերի գրիչները՝ նրան անվանելով «մեծ և հռչակալուր վարդապետ»³, «արժանաւորն ամենայն գովեստի և յիշման»⁴, «գերանաշնորհ, եռամեծ բարոնապետ»⁵, «կայծակնամաքուր վարդապետաց վարդապետ»⁶, «գերիցս երանեալ բարոնապետ»⁷, ու «գերջանիկ և զանհուն վարդապետ»⁸: Իսկ Մաշտոցյան Մարենադարանի ձեռագիր Աստվածաշունչ մատյաններից մեկում, որի սրագրողը հենց Կիրակոս բարոնին է, անանուն գրիչն Աստված խնդրում է պահպանել նաև «գտուր բարո-

1 Երգնկայի մասին տես Յ. Քիրոսեան, Երիզա և Եկեղեցաց գառա, Ա. հատ., Վենետիկ-Ս. Ղազար, 1953, էջ 5-314, Գառնիկ Մարենադարան, Երգնկա. հնագույն դարերից մինչև մեր օրերը, Երևան, 2005, էջ 5-665:

2 «ԺԴ. դարի հայերեն ձեռագրերի հիշարժակարաններ», կազմեց Լ. Ս. Խաչիկյան, Երևան, 1950, էջ 212:

3 Ամո, էջ 332:

4 Ամո, էջ 332:

5 Մեսրոպ Մաշտոցի անվան Մարենադարան (այսուհետ՝ ՄՄ), ձեռ. Ն⁶ 1379, 1334 թ., էջ 271բ:

6 Տես «Մայր ցուցակ ձեռագրաց Սրբոց Յակոբեանց», կազմեց Նորայր եպ. Պողարեան, հ. Դ., Երուսաղեմ, 1969, էջ 384:

7 ՄՄ ձեռ. Ն⁶ 1379, էջ 354բ:

նապետն Կիրակոս»⁸, որն անկասկած խոսում է Կիրակոս վարդապետի սրբակենցաղության և արդեն իսկ իր կենդանության ժամանակ վայելած հարգանքի և հռչակի մասին: Ինչպես ցույց է տալիս Կիրակոս Երզնկացու մարտնամարտական ժառանգության ուսումնասիրությունը, Նայոց Եկեղեցու նվիրյալ այս գավալի համբավը տարածված է եղել ոչ միայն իր հայրենի գավառում, այլ նաև նրա սահմաններից դուրս: Ուստի պարահական չէ, որ մարդիկ իրենց հուզող զանազան խնդիրներով դիմել են նրան՝ հայցելով այս «քաջ հովի» հոգևոր խնամքն ու խորհուրդը, նրա ցուցումներն ու բացատրությունները հապկապես հոգևոր տարբեր հարցերի շուրջ: Եւ Կիրակոսը, բնականաբար, Աստուծոց իրեն շնորհված իմաստությամբ, Ս. Գրքի հոգեշունչ և ազդու խոսքով, հոգեմարավոր հարուստ փորձառությամբ, անտարբեր, սիրով և ամենայն պարաստակամությամբ խրատել է բոլորին, և մեր Եկեղեցու ուղղափառ դավանության դիրանկյունից մեկնել աստվածային ճշմարտությունները:

Չնայած ժամանակակիցների և հետագա դարերում Կիրակոս Երզնկացու գործերն ընդօրինակած գրիչների կողմից նրան ընծայված այս փառքին և ճանաչվածության՝ Կիրակոս բարոնապետի կյանքը, գործունեությունը և մարտնամարտական ժառանգությունը մինչև վերջերս մնում էին չուսումնասիրված և անհայտ հայագիտության և եկեղեցական լայն շրջանակներին: Նրա գրական վաստակով զբաղված եզակի հետազոտողներն առավելապես կենտրոնացել են այս բարոնապետի կենսագրության կամ բանասիրական ճշգրտումների և որոշ հարցերի վրա, որոնց պարզառով բաց է մնացել Կիրակոս Երզնկացու մարտնամարտական ժառանգության ամբողջական արժեւորումն ու գնահատումը: Մեզ համար մասնավոր հետաքրքրություն ունեն նրա երկերում արձարված աստվածաբանական խնդիրներն ու դրանց լուծումները, որոնք հնարավորություն են ընձեռում ոչ միայն գնահատելու Կիրակոսին՝ իբրև աստվածաբանի և Եկեղեցու ուղղադավանության կրողի ու պաշտպանի, այլ նաև պարկերացում կազմելու դարաշրջանի աստվածաբանական մարածողության և հուզող հարցերի մասին: Ինչպես ժամանակին իրավամբ նկատել է բանասեր Արմենուհի Սրայանը, «Կիրակոսի մասին եղած կարծիքները հակասական են առհասարակ՝ թե՛ անձնատրոթեան, թե՛ ապրած ժամանակաշրջանի և թե՛ գրական ժառանգութեան որոշման և բնութագրման հարցերում: Դա հետևանք է այն բանի, որ ԺԳ.-ԺԴ. դարերում յիշարակում են մի քանի Կիրակոսներ: Նրանցից առանձնապես նշանաւոր են Գանձակեցին, Արեւելցին և Երզնկացին: Երեքն էլ համարուել են բացարձակապես ժամանակակից, և երեքն էլ վախճանուած 1271-1272 թուրին: Նայագեղներից ոմանք Կիրակոս Երզնկացուն հասցրել են մինչև ԺԵ. դարը»⁹: Կիրակոսների հետ կապված այս թնջուկն ավելի է խորացել, քանզի միջնադար-

8 ՄՄ ձեռ. ՏՊ 353, 1317 թ., էջ 662ա:

9 Արմենուհի Սրայան, Կիրակոս Երզնկացի. բանասիրական ճշգրտումներ. «Բազմավեպ», 1993, էջ 183-184:

րից մեզ են հասել մի քանի երկեր, որոնք ձեռագրերում պահպանվել են պարզապես «Կիրակոս վարդապետի» խորագրով՝ առանց հեղինակային պարկանելության հստակ գաղտնիքի: Այս խճճվածության պարզապես մեկն էլ նրա երկերի մեծ մասի անսխալ լինելն էր, որոնց համակողմանի ուսումնասիրությունն օգնում է մեզ բացահայտել նրա կենսագրության և ժրջան գործունեության որոշ դրվագներ, ինչպես նաև ճշգրտումներ կարարել դրանց վերաբերյալ: Եւ մեր առաջ հառնում է մի մարտնագիր և անհարակաճություն, որն արժանի է գնահատանքի, իսկ նրա գործերը՝ ուսումնասիրման:

Ճիշտ է, գուցե Կիրակոս Երզնկացին իր աշխատությունների քանակով կամ բացառիկությամբ զիջում է իր նախորդներին, բայց մեզ հասած երկերը ցույց են տալիս, որ գործ ունենք բազմակողմանի զարգացած և լայն մտածողի գոն ու աշխարհայացք ունեցող մի հեղինակի հետ, որը քաջատեղյակ է ժամանակի աստվածաբանական և փիլիսոփայական մտքին, իրեն նախորդած նշանավոր վարդապետների և մարտնագիրների երկերին, ժողովրդական իմաստությանն ու Եկեղեցում շրջանառված ավանդություններին: Յուրաքանչյուր երկի քննություն ցույց է տալիս հեղինակի քաջատեղյակությունը նյութին և մինչ այդ արտահայտված կարծիքներին: Չնայած այս ամենին, նա երբեք չի զլանում նաև իր սեփական մտածումներն արտահայտելու զանազան խնդիրների շուրջ, որոնք մարտնաչում են նրա ինքնությունությունը և անհատական վերաբերմունքը: Սրանով է հենց հետաքրքիր այդ դարաշրջանի նշանավոր այս եկեղեցական գործիչը, քանզի նա ոչ միայն կարողացել է յուրացնել նախորդող հոգևոր հարուստ ժառանգությունը, այլ նաև փորձել է անձնական իր ներդրումն ունենալ դրա մեջ: Ուստի նրա գրվածքներում շահեկան և հետաքրքիր տեղեկություններ կան գիտության զանազան բնագավառների մասին: Մեծ արժեք ունեն նրա աստվածաբանական, իմաստասիրական, ծիսական, բարոյախրատական, կրթադաստիարակչական, հասարակական-քաղաքական հայացքները հարկապես ժամանակի իրողությունների առավել ամբողջական ընկալման տեսանկյունից:

Կիրակոս թաթուհին հայտնի է նաև իր արդյունավետ գիտամանկավարժական գործունեությամբ: Լինելով հմուտ մանկավարժ և հոգևոր դաստիարակ՝ նա ստեղծել է ուսուցման ինքնատիպ միջոցներ, որոնցով կրթել է իր սաների միտքն ու հոգին՝ անձնապես օրինակ դառնալով նրանց համար: Փաստորեն Կիրակոս թաթուհի վարդապետը շարունակել է Երզնկայի դպրոցի լավագույն ավանդներն ու վերջինիս նշանավոր թաթուհիներ Նովհաննես Պլուզ († 1293) և Մովսես Երզնկացիների († 1325) սկսած գործը: Նրա հայտնի աշակերտներից են իր եղբորորդի Նովհաննես վարդապետը, Գրիգոր աբեղան, Սյուփանոս երեցը, Մկրտիչ դպիրը և ուրիշներ, որոնք շնորհակալությամբ, երախտագիտությամբ և գովասանքով են արտահայտում իրենց ուսուցչի մասին: Կիրակոսի՝ իբրև ականավոր ուսուցչի և թաթուհի մասին է վկայում 1334 թ. Երզնկայում գրված Մաշտոցյան Մարենադարանի 1379 թվահամարի ձեռագրի մանրան-

կարը, որում գահին՝ վարդապետական գավազանով նստած է Կիրակոս Երզնկացին, առջևում նրա սիրասուն երկու աշակերտներն են, որոնցից մեկն ընթերցում է բացված գիրքը՝ դասը¹⁰:

Կիրակոս Երզնկացու կյանքի և գործունեության մասին պահպանված փրկությունները սակավ են և կցկտուր, շար հաճախ՝ հարվածական և ոչ լիարժեք: Դրանք հիմնականում սփռված են փարբեր ձեռագրերի ներածություններում և վերջաբաններում, հիշատակարաններում և հենց նրա աշխատություններում, որոնց օգնությամբ և հարակից փրկությունների հիման վրա պետք է փորձենք փայլ Կիրակոս թաթուխապետի անցած ճանապարհի նկարագրիր:

Կիրակոս վրդ. Երզնկացուն առաջին անգամ անդրադարձել է Վենետիկի Մխիթարյան միաբանության անդամ Միքայել վրդ. Չամչյանը (1738-1823) հայոց պարմությանը նվիրված իր կոթողային աշխատության մեջ՝ գրելով. «Այր սրբակոն և հեղափոխ իմաստութեան, որ արար բազում գրուածս խրատական և բանս ուրանաւորաց, և ի խոր ծերութեան իւրում գրեաց թողթ յորդորական՝ իբրեւ զքարոզ և կանոն խրատուց առ ամենայն հայս և մանաւանդ առ քահանայս՝ երկար և ճառօրէն, միջակ և աշխարհաբառ ոճով՝ առ ի դիւրահաս լինելոյ ամենեցուն»¹¹: Այնուհետև Չամչյանը թվարկում է Կիրակոսի մի քանի աշխատություն¹²: Շեշտելու համար Կիրակոս թաթուխապետի կարեւորությունը՝ նա հավելում է, որ դրանք հավաքվել են «Ոսկեփորիկ» կոչված ժողովածուի մեջ՝ անկասկած նկատի ունենալով Կիրակոսի երկերը ներառող և Վենետիկի Մխիթարյան միաբանության մայրավանքի ձեռագրապահան այժմ պահպանվող համանուն ժողովածուները:

Կիրակոս Երզնկացու կյանքին և մարենագրական ժառանգությանն անդրադարձել է նաև Նակոր վրդ. Շագուրյանը՝ հրապարակելով նրա խրատական թղթերից մեկը, որը ոչ միայն կենսագրական փրկություններ է պարունակում հեղինակի մասին, այլև իր բնույթով կանոնական գրվածք է: Բայց նա էլ, անփութակ լինելով Կիրակոս թաթուխապետի կենսագրության մանրամասներին և նոր փվայներին, սխալվում է հեղինակի ծննդյան և մահվան թվականների հարցերում, որոնց պարճառով սխալ եզրակացությունների է հանգում իր հոդվածում առանձնափրության մեջ¹³:

10 ՄՄ ձեռ. № 1379, էջ 160բ: Ձեռագիրս բովանդակում է Պողոս առաքյալի ԺԴ. թղթերի Ս. Նովիան Ոսկերեքանի (347-407) և Ս. Եփրեմ Ատրիի (306-373) մեկնությունը, որը դասավանդելու նպատակով իր աշակերտներին է հանձնարարել Կիրակոս թաթուխին: Այս մասին հիշատակարաններից մեկում մասնավորապես ասվում է. «Եւ Տէր փացէ զգօրութիւն թաթուխապետի մերոյ՝ Կիրակոսի, որ ի /թօթախապետի/ ի ալթն շրջապարտեցէ զգիրքս դասարուութեամբ առ բանի աշակերտեալ սպասաւորսն իւր». անդ, էջ 182բ: Մանրանկարում պարկերված է նաև Մկրտիչ վարդապետը: Անդրադառնալով այս մանրանկարի գեղարվեստական արժանիքին՝ հայագիտության երախտավոր և հայկական արվեստի գիտակ Գարեգին Նովսեփյանը նշում է, որ այն բարձր արվեստի գործ չէ. փեն **Գարեգին Կաթողիկոս Յովսէփեան**, Խաղբակեանք կամ Պողոսեանք հայոց պարմութեան մեջ, Անթիլիաս-Լիբանան, 1969, էջ 269:

11 Միքայել Չամչյան, Հայոց Պարմութիւն, հ. Գ., Երևան, 1984, էջ 508:

12 Տե՛ս անդ, էջ 508-509:

13 «Բազմավեպ», Վենետիկ, 1942, Յունուար-Դեկտեմբեր, էջ 52-, 57, բնագիրը՝ 1943, Յուլի-Դեկտեմբեր, էջ 62-66:

Կիրակոս րաբունապետի մասին ցայսօր փայագրված հոդվածներում և ուսումնասիրություններում իր բովանդակությամբ և հաղորդած օգտակար տեղեկություններով առանձնանում է ամերակահայ հնահավաք և բանասեր Հարություն Բյուրպյանի (1901-1979) «Երիզա և Եկեղեաց գառա» աշխատությունը, որում նա Կիրակոս Երզնկացուն նվիրված հարվածում առկա ձեռագրական փվյալների հիման վրա առավել ամբողջական և հավասարի ուրվագծում է հայրենի այս վարդապետի անցած ուղին և հիշատակում նրա երկասիրությունների մեծ մասը¹⁴: Այնուհետև 1965 թ. նա ձեռագրական իր անձնական հավաքածուից դուրս է բերում և հրապարակում Կիրակոսի անտիպ փաղերը, որոնցից մեկում, բարերախարար, պահպանվել են Կիրակոսի ծնողների անունները¹⁵:

Նույն ժամանակաշրջանում իրենց գործունեությունը ծավալած փարբեր Կիրակոսների փարբերակման, նրանց գրվածքների ճշգրտման և հարկապես Կիրակոս Երզնկացու կենսագրական որոշ նրբությունների լուսաբանման հարցում մեծ է բանասեր Արմենուհի Սրապյանի (1918-2000) ավանդը: Հրապարակի վրա եղած փվյալների համադրմամբ նա կարողացել է մաքրանշել մեզ հեղափոխող մատենագրի ապրած ժամանակաշրջանը և փալ որոշ հարցերի հստակ պատասխանները¹⁶:

Կիրակոս Երզնկացուն մասնակիորեն իրենց աշխատությունների շրջանակներում անդրադարձել են նաև Հրաչյա Աճառյանը¹⁷, Նորայր արք. Պողարյանը¹⁸, Լևոն Խաչերյանը¹⁹, Ավետիս քին, Դանիելյանը²⁰, Հակոբ Բյուսեյանը²¹ և Գառնիկ Սյունիանյանը²²: Սակայն մեր թվարկած բոլոր հեղինակների գործերում կա՛ն բացակայում է Կիրակոս Երզնկացու կենսագրության ինչ-որ փաստ և տեղեկություն, կա՛ն չի տրվում նրա մատենագրական ժառանգության ամբողջական պատկերը: Այս առումով ցայսօր փայագրված բոլոր ուսումնասիրությունները թերի են: Ի նկատի ունենալով վերոբերյալ հեղինակների հաղորդած տեղեկությունները, ինչպես նաև վերջին մի քանի տարիների ընթացքում մեր ուսում-

14 Տե՛ս Յ. Քիրսեան, Երիզա և Եկեղեաց գառա, էջ 225-236:

15 Տե՛ս Վ. Բյուրպյան, Անտիպ փաղեր Կիրակոս վարդապետ Երզնկացի, «Համիադին», 1965, Ը.-Թ., էջ 92-99:

16 Տե՛ս Ա. Ն. Սրապյան, Բանասիրական ճշգրտումներ. «Պարմա-բանասիրական հանդես», 1972, ՏՊ 4, էջ 137-145, «Հայկական Սովետական Հանրագիտարան», հ. 5, Երևան, 1979, էջ 450-451:

17 Տե՛ս Վ. Աճառյան, Հայոց անձնանունների բառարան, հ. Բ., Երևան, 1944, էջ 624-625:

18 Տե՛ս Նորայր արք. Պողարյան, Հայ գրողներ Ե.-ԺԷ. դար, Երուսաղեմ, 1971, էջ 382-384:

19 Տե՛ս Լ. Գ. Խաչերյան, Գլանդրի համալսարանը հայ մանկավարժական մտքի զարգացման մեջ (XIII-XIV դդ.), Երևան, 1973, էջ 157, նույնի «Հայագիր դպրոցեան ուսումնագիտական կենտրոնները, դպրոցները, դպրեվանքերը, վարդապետարանները, ճեմարանները, ակադեմիաները և համալսարանները Միջնադարյան Հայաստանում և Կիլիկիայում (V-XVI դդ.)», Լիզպոն, 1998, էջ 47-48:

20 Մեղիս քահանայ Դանիելյան, Կիրակոս Երզնկացի. «Գանձասար», հ. Զ., Երևան, 1996, էջ 550-556: Նա առաջին անգամ հրապարակել է նաև Կիրակոսի «Թուղթ առ Կարենցիս» դավանաբանական թղթի բնագիրը. անդ, էջ 557-584:

21 Տե՛ս «Քրիստոնյա Հայաստան» հանրագիտարան, Երևան, 2002, էջ 490-491:

22 Տե՛ս Գառնիկ Սյունիանյան, Երզնկա. հնագույն դարերից մինչև մեր օրերը, էջ 259-262: Մեծ մասամբ մեջ է բերել հայրենի փվյալներն ու փաստարկները, երբեմն էլ շփոթելով հեղինակի ապրած ժամանակաշրջանը:

նասիրության արդյունքում ի հայտ եկած կենսագրական նոր փվյալները՝ ցայսօր մեզ հասանելի աղբյուրների հիման վրա պիտի փորձենք փայլ իր ժամանակի մեծամուն եկեղեցականներից մեկի՝ Կիրակոս վրդ. Երզնկացու կենսագրության եւ մարենագրական ժառանգության առավել ամբողջական պատկերը:

Յավոք, մեզ անհայտ է Կիրակոս վարդապետի ծննդյան ստույգ թվականը: Ուսումնասիրողները, նկատի ունենալով նրա երկերում պահպանված կենսագրական կցկտուր փեղեկությունները եւ հիշատակարանները, առաջադրել են փարբեր թվականներ: Կիրակոսի ծննդյան թվականի հարցում ճիշտ են կոդմնորոշվել Նարայուն Բյուրպյանը եւ Արմենուհի Սրապյանը՝ այն դնելով 1275-1280 թթ. միջև: Ոչինչ չգիտենք նաեւ նրա նախնական կրթության մասին, որը հավանաբար անցել է հայրենի գավառում: Կիրակոս թաթումապետը «ՅԱստուծոյ ամենակալէն» սկսվածքով խրատական բովանդակությամբ շրջաբերական թղթում, որն ուղղված է հոգևոր իր գավակներին՝ կրոնավորներին, քահանաներին եւ ժողովրդին, իր մասին մասնավորապես ասում է. «Այս է գիր ձեռին իմոյ, ի նուստր Կիրակոս վարդապետ Եզնկացոյ, մայրաքաղաքիս Նայոց Լուսաւորչի գաւառիս գրեցաք առ աստուածապահ ժողովուրդդ, ուր եւ հասանի»²³: Այսպիսով պարզ է դառնում, որ Կիրակոս թաթումապետը Լուսավորչի կամ Եկեղյաց գավառից է եւ նրա մայրաքաղաք Երզնկայի անվամբ կոչվել է Երզնկացի: Այս ինքնակենսագրական փեղեկությանը հավելյալ մի նոր փվյալ է հաղորդում վերելում մեր հիշատակած՝ Մաշտոցյան Մարենադարանի ՏՊ 1379 ձեռագիրը, որի ստացողը հենց Կիրակոս թաթումապետն է: Ձեռագրի գրչության հիշատակարանում գրիչ եւ ծաղկող Թորոսն, ի շարս այլոց, խնդրում է հիշել նաեւ Կիրակոս Երզնկացուն՝ ասելով. «Յիշատակեցէք զՄեծպարոնն ի բարի, որ եր գրել զսա յաւժարական ի լի, սիրահարուստ վարդապետի՝ Ագրկցոյ Կիրակոսի, վարդապետաց վարդապետի»²⁴: Գրչության ժամանակի այս հիշատակարանից իմանում ենք, որ Կիրակոս Երզնկացին ծնվել է Եկեղյաց գավառի Ագրակ գյուղում, ուստի իր ծննդավայրի անվամբ կոչվել է նաեւ Ագրկեցի կամ Ագրակցի²⁵: Ձեռագրական այս փվյալից բացի, մեզ հայտնի չէ որեւէ այլ ձեռագիր կամ երկ, որում Կիրակոս Երզնկացին Ագրկեցի է կոչվում:

Ինչպէս վերելում եղեցինք, երջանիկ պատահականությամբ Կիրակոսի փառերից մեկում պահպանվել են նրա ծնողների անունները. «Ննջեցելոց իմոց ծնողաց, որ զիս ծնան, Յոհաննիսի եւ Նիպայի, որ առ քեզ կան»²⁶: Տաղերի հրապա-

23 ՄՄ ձեռ. ՏՊ 228, 1457 թ., էջ 171ա, հմմտ. «Քազմավէպ», Վենետիկ, 1943, Յուլիս-Դեկտեմբեր, էջ 66:

24 ՏՆ ՄՄ ձեռ. ՏՊ 1379, էջ 45բ:

25 ՏՆ Ա. Ն. Սրապյան, Բանասիրական ճշգրտումներ, . «Պարմա-բանասիրական հանդես», 1972, ՏՊ 4, էջ 195-196: Ագրակի մասին փնտ. Թ. Խ. Նախորյան, Սր. Տ. Մելիք-Բախչյան, Վ. Խ. Բարսեղյան, Նայաստանի եւ հարակից շրջանների փեղանունների բառարան, հ. 1, Երևան, 1986, էջ 26, Ն. Նամազապ Ոսկեան, Բարձր Նայի վանքերը, Վիեննա, 1951, էջ 100-101:

26 Ք. Բյուրպյան, Ամրիպ փաղեր Կիրակոս վարդապետ Երզնկացի, էջ 97, Նորայր եպ. Պողարեան, Նայ գրողներ, էջ 382:

րակող հարություն-Քյուրյանը նշում է, որ հովհաննես անունը շար սովորական էր գործածելի անուն է եղել Երզնկայում եւ ընդհանրապես Եկեղյաց գավառում, ինչը չենք կարող ասել Կիրակոսի մոր անվան համար²⁷: Ըստ ականավոր լեզվաբան հրաչյա Աճառյանի՝ «Պետք է կարդալ հիբա եւ ծագումը դնել արաբ. hiba «նվեր, պարգև», ինչպես ունինք հադիա, Պարգև, Ընծայ անունները, բոլորն էլ նույն նշանակութեամբ: Մի անգամ գրնում եմ հիշարակված՝ հիպայ, դուստր Ներսէսի եւ քոյր Բասիլ գրչի, որ Կիլիկիայի Խորին անապատում օրինակեց մի մեծ ճառքնսիր, 1270 թ.»²⁸:

Ժամանակագրական առումով Կիրակոս Երզնկացու մասին ցայժմ պահպանված առաջին տեղեկությունը մեջբերել է Վենետիկի Մխիթարյան միաբանության անդամ, հայագիտության նվիրյալ հայր Ղևոնդ Ալիշանն իր «Սիսական» աշխատության մեջ. ումն Ոսկան վարդապետ, 1304 թ. ընդօրինակելով մի Ավերաբան «ի վանս Գլաձոր Ս. Սրեփանոսին», Եսայի վրդ. Նչեցու (1260-1338) աշակերտների թվում հիշարակում է նաև Կիրակոս Երզնկացուն²⁹: Փաստորեն այս տեղեկությունից կարող ենք եզրակացնել, որ Կիրակոսն իր ասվածաբանական բարձրագույն կրթությունը շարունակել է Գլաձորի նշանավոր համալսարանում՝ աշակերտելով ժամանակի հռչակավոր բաբունապետ Եսայի Նչեցուն հետագայում ինքը նույնպես դառնալով այդ հաստատության ուսուցչապետներից³⁰:

Մաշտոցյան Մարենադարանում պահվող 1317 թ. Գլաձորում ընդօրինակված ձեռագիր մի Ասրվածաշնչում, որի ստացողը եւ գրիչներից մեկը նույն Կիրակոս Երզնկացին³¹ է, երկու հիշարակարաններ են պահպանվել, որոնցում գրիչը հիշում է Եսայի Նչեցի բաբունապետին. «Զամենամեղ ոգի՝ զԿիրակոս գրիչ եւ ստացող սուրբ կրակացս, եւ ծնադսն իմ եւ գերջանիկ բաբունապետս մեր, որ գորինակս շնորհեաց, յիշել աղաչեմ»³², իսկ Տիրացու գրչի հիշարակաբանում ասվում է. «Զմեծ բաբունապետն զԵսայի եւ զհերետող նորին՝ զԿիրակոս վարդապետն, ընդ նոցին եւ զմեղաւոր հոգս՝ Տիրացու գրիչ, աղաչեմ յիշել ի Տեր»³³: Թե ինչքան է Կիրակոս Երզնկացին մնացել Գլաձորում եւ աշակերտել Եսայի բաբունապետին, հայտնի չէ, քանզի աղբյուրները լռում են այդ մասին: Ինչպես արդեն ենթադրել ենք մեր հոդվածներից մեկում, Կիրակոս Երզնկացու՝

27 Տե՛ս անդ. էջ 91:

28 Տ. Աճառյան, Հայոց անձնանունների բառարան, Կ. Գ., Երևան, 1946, էջ 88:

29 Տե՛ս «Սիսական. Տեղագրություն Սիսեաց աշխարհի ի Տ. Ղևոնդեայ Մ. Ալիշան», Վենետիկ, 1893, էջ 134:

30 Գր. Մ. Գրիգորյան, Սյունիքը Օրբելյանների օրոք (XIII-XV դարեր), Երևան, 1981, էջ 163:

31 Կիրակոս բաբունին ձեռագրերում հաճախ հիշվում է իբրեւ պապիկրապու, գրիչ եւ ստացող: Ժամանակին այս իրողությունը նկատել է Գարեգին հովսեփյան Կաթողիկոսը՝ նշելով. «Կիրակոս ինքն էլ ԺԴ. դարի առաջին կեսի նշանավոր գրիչներից եւ վարդապետներից մեկն է, որ իր եղբորորդի Յովհաննեսի հետ բազմաթիւ ձեռագիրներ ունի գրած եւ երկար ժամանակ ուսուցչություն է արել յարկապետ իւր հայրենիքում Երզնկայում».

Գարեգին Կաթողիկոս Յովսեփյան, Խաղբակեանք կամ Պոռթեանք հայոց պատմութեան մէջ, էջ 267-268:

32 ՄՄ ձեռ. ՏՊ 353, էջ 32բ:

33 Նույն տեղում, էջ 310ա:

Նովհաննեսի Ավերարանի Ա. 1 համարի մեկնությանը նվիրված ճառում հիշատակվող թաթուխապետը ոչ այլ ոք է, եթե ոչ հենց Եսայի Նչեցին, որի պատվերով նա գրել է իր մեկնողական ճառը³⁴։ Սա ես լրացուցիչ փողեկություն է Կիրակոս Երզնկացու և նրա ուսուցչի՝ եռամեծ Եսայի թաթուխապետի մտերմիկ հարաբերությունների և կապի մասին։

Դժբախտաբար, Ղեռնդ Ալիշանի մեջբերած փողեկության մեջ չի նշվում ևս պարզ չէ, թե «երկրորդ Աթենք» կամ «Մայրաքաղաք ամենայն իմաստից» բնորոշմամբ հայտնի Գլաձորի համալսարանում ուսանելիս եկեղեցական ինչ աստիճան ուներ Կիրակոս Երզնկացին՝ արեղա՞ էր, թե՞ վարդապետ։ Այսպես պետք է նկատի ունենալ այն կարևոր հանգամանքը, որ Գլաձորում ուսանում էին ոչ թե նորընծաները, այլ արդեն քահանայական աստիճան ունեցողները, որոնք կրթական այս կաճառ էին գալիս վարդապետական աստիճան և առավել խորացված աստվածաբանական կրթություն ստանալու համար³⁵։ Ուստի պետք է ենթադրել, որ Կիրակոսն այդ ժամանակ կուսակրոն հոգևորական էր՝ արեղա։ Այս պնդումը հիմնավորվում է նաև նրանով, որ 1305 թ. գրված ձեռագիր հնագույն երկու «Շարակնոց» ժողովածուի մեջ, որտեղ զետեղված է Ս. Աստվածածնի Վերափոխմանը նվիրված՝ Կիրակոս թաթուխապետի «Արեւելք գերարփին» շարականը, նա արդեն վարդապետ է անվանվում, իսկ շարականի վերջին տողում ունի «Կիրակոս վարդապետ» ծայրակապը³⁶։ Եթե 1305 թ. Կիրակոսն արդեն վարդապետական աստիճան ուներ, իսկ միջնադարում ամրագրված ավանդության համաձայն՝ կուսակրոն եկեղեցականը վարդապետական աստիճան էր ստանում կարարյալ փառիքում՝ 30 փարեկանում, ապա Կիրակոս թաթուխապետը ծնված պետք է լինի մոտավորապես 1275 թ.³⁷։ Կարծում ենք, որ Կիրակոս Երզնկացին վարդապետական գավազան և իշխանություն է ստացել հենց Եսայի Նչեցի թաթուխապետից, որի ձեռնաստուն է եղել երկար փառիքը³⁸։ Գլաձորի

34 Տե՛ս **Զարարիա արեղա Բաղումյան**, Կիրակոս վարդապետ Երզնկացու Նովհաննեսի Ավերարանի Ա. 1 համարի մեկնությունը, «Էջմիածին», 2012, Թ., էջ 79-80։

35 Տե՛ս **Լ. Գ. Խաչերյան**, Գլաձորի համալսարանը հայ մանկավարժական մտքի զարգացման մեջ (XIII-XIV դդ.), էջ 173-175։

36 Սա կանոնական վերջին շարականն է, որ մտել է «Շարակնոց» ժողովածուի մեջ, փոխ Արեւմտյան Մխիթ. մար. ձեռ. Ն⁶⁰ 212, 1305 թ., էջ 324բ. «Յուցակ հայերէն ձեռագրաց մատենադարանին Մխիթարեանց ի Վիեննա», կազմեց Յ. Յակոբովս Վ. Տաշեան, Վիեննա, 1895, էջ 535, Երուսաղեմի մատենադարան, ձեռ. Ն⁶⁰ 1575, 1305 թ., էջ 697. «Մայր ցուցակ ձեռագրաց արքայ Յակոբեանց», հ. Ե., էջ 355։ Այս շարականը վերագրվել է նաև Կիրակոս Թաթուխապետին. փոխ **Միքայել Զառնանց**, նշվ. աշխ., էջ 508, «Շարակնոց», Կոստանդնուպոլիս, 1815, էջ 5։ Զարմանալի է, որ Կիրակոսի մատենագրական ժառանգությանը ծանոթ մեր եկեղեցու եռամեծ վարդապետներից Ս. Գրիգոր Տաթևացին (1346-1409) շարականների հեղինակներին թվելիս չի փայլի ո՛չ «Արեւելք գերարփին» շարականի և ո՛չ էլ նրա հեղինակի անունները. փոխ **Գրիգոր Տաթևացի**, Գիրք հարցմանց, Երուսաղեմ, 1993, էջ 637-638։

37 Տե՛ս ՄՄ ձեռ. Ն⁶⁰ 1379, 1334 թ., էջ 45բ։ Նայագիտության մեջ երբեմն Կիրակոս Երզնկացուն շփոթել են Կիրակոս Արեւելցու հետ. փոխ **Ա. Ն. Սրապյան**, Բանասիրական ճշգրտումներ, էջ 137-145։

38 Գառնիկ Սյրեփանյանը, նկատի ունենալով, որ Կիրակոս Երզնկացին 1324 թ. եղել է Երզնկայի Կայսրիկի վանքում և այնտեղ զբաղվել ուսուցչությամբ, ենթադրում է, որ այնտեղ էլ նա հավանաբար ստացել է իր վարդապետական աստիճանը. փոխ **Գառնիկ Սյրեփանյան**, նշվ. աշխ., էջ 260։

համալսարանին նվիրված իր աշխատության մեջ փաստերի քննությամբ Լեոն Խաչերյանը նշում է, որ այնպեղ ուսումնառությունը արևում էր 7-8 փարի, որը համընկնում էր Կվյալ ժամանակաշրջանի երոպական համալսարաններում ասարվածաբանական բարձրագույն կրթության համար նախադրված ուսումնառության արևողությանը³⁹: Եթե 1305 թ. Կիրակոսն արդեն վարդապետ էր, եթե եւ հաշվի առնենք նաեւ Գլաձորում ուսում սրանալու ժամանակահատվածը, ապա Կիրակոսը Գլաձորի համալսարան պիտի եկած լիներ 1297-98 թթ. շուրջ 22-23 փարեկանում:

Վերագրյալ մեկնողական նույն ճառում Կիրակոս Երզնկացին նախքան վարդապետական աստիճան սրանալը, իբրեւ Նայոց Եկեղեցու խոնարհ մի սպասավոր, իր մասին ասում է. «Իսկ եւ թափուր եւ ունայն գոլով յամենայնէ, զի ոչ ընկալայ շնորհս յԱստուծոյ որպէս գումպար խմբից առաջին սրբոցն, որք յորովայնէ մաքրեցան փաճար Աստուծոյ եւ բնակարան Նոգոյն Սրբոյ, եւ ոչ վարդապետական հանճարոյ արժանացայ յաղագս ոչ գոլոյ բնական իմաստութեան եւ փոքրապար ունելոյ զանաւթս մրացս բնութեան, եւ զի ոչ արբնեցայ յոլով ժամանակս ի դրունս իմաստրնոց՝ կրթելով ի վարժս մակացութեան, եւ ոչ զաստրաւածային մարեանսն անընթիւյս ի վերայ բագկաց կրեցի, եւ ոչ եռանդնաշարժ սիրով փափաքմամբ կորզեցի զսրինս հոգիքնկալ վարդապետաց, որով **աճեցեալ ի չափ հասակի կատարմանն ժամանէի**»⁴⁰: Ընդգծված հատվածը վկայում է, որ այս փողերը շարադրելիս նոր պետք է լրանար նրա 30-ամյակը, իսկ յուրաքանչյուր մեկնիչից ասարվածաբանական խորը գիտելիքներ պահանջող Նովիաննեսի Ա. 1 համարի Կիրակոս Երզնկացու մեկնությունը լավագույն վկայությունն է վարդապետական աստիճան սրանալու համար նրա փարիքային, հոգեւոր հասունության եւ պարտաստության մասին:

Կիրակոս վարդապետի մասին հաջորդ փեղեկությունը պահպանվել է 1309 թ. գրված Մաշտոցյան Մարենաղարանի Ն⁶⁰ 3931 ձեռագրում, որը Տոնական ժողովածու է⁴¹: Արմենուիի Սրապյանն այս ձեռագրի հիշատակարանում նշված Կիրակոս րաբունուն նույնացնում է Կիրակոս Երզնկացու, իսկ «Յովիանէս գծողին»՝ Կիրակոսի եղբորորդի համանուն վարդապետի հետ. «Գրեցաւ նամակ Տաւնակ[ան]իս հրամանաւ եւ արդիւնագործ սուրբ րաբունոյն Կիրակոսի, ձեռամբ իմով՝ Յովիանէս գծողի, աղաչեմ զամենեսեան վասն սիրոյն Բրիսարոսի անմեղադիր լինիք խոշորութեանն եւ խալաթութեանն, զի անհմուտ էի գրոցս այս, եւս առաւել արիւնակիս, որ չէի ամենեւին լսել զայս», «Ո՛ր եղբայր Կիրակոս, խոշորութեան եւ սխալանաց անմեղադիր լեր, զի Բ. դաս առաջի եղեալ կայ,

39 Տե՛ս Լ. Գ. Խաչերյան, Գլաձորի համալսարանը հայ մանկավարժական մարքի զարգացման մեջ (XIII-XIV դդ.), էջ 173-175:

40 Զարարիս արեղա Բաղումյան, Կիրակոս վարդապետ Երզնկացու Նովիաննեսի Ավետարանի Ա. 1 համարի մեկնությունը, էջ 85:

41 Ծիսական այս եւ մյուս ժողովածուների մասին արեն Փայլակ Անթարյան, «Տոնապարճաւ» ժողովածուն, «Բանբեր մարենաղարանի», Ն⁶⁰ 10, էջ 103-126:

դազնապիմ»⁴²: Սակայն Լևոն Խաչիկյանը (1918-1982) այսպեղ հիշարակված Կիրակոսին նույնացնում է ոչ թե Կիրակոս Երզնկացու, այլ Արարիկի գավառի Ս. Թադեոս վանքի սպասավոր Կիրակոս րաբունապետի հետ: Վերջինիս համար նա վկայակոչում է մեկ այլ ձեռագրական փվյալ նույնպես. «Զբառնաղ փառնից փերմոնական եւ պայծառացուցիչ յիշարակաց որդւոց վերինն առագաստի, բազմահամբար պարբաստութեամբ ըստ իմանալի մրաց լուցման լապտերաց եւ բուրման խնկոց անուշահոտութեան, գրաբունապետս գՅովհաննէս եւ գԿիրակոս յիշեսցիք ի Տէր Յիսուս»⁴³: Մենք նույնպես կարծում ենք, որ վերոգրյալ ձեռագրերում մատնանշված Կիրակոսն իսկապես Կիրակոս Երզնկացին է, իսկ երկրորդ ձեռագրում նրա հետ հիշարակված րաբունապետը ոչ այլ ոք է, եթե ոչ այն Հովհաննէս րաբունապետը, որի պատվերով նա գրել է Ս. Եւագրի լուծմունքները: Այս Հովհաննէսին չպետք է շփոթել նրա ազգական Հովհաննէսի հետ, որը Տոնական ժողովածուի հիշարակարանում մտերմաբար իրեն «Յովհաննէս գծող» է կոչում: Կիրակոս Երզնկացի-եղբորորդի Հովհաննէս նույն բարեկամական շեշտադրությունն ենք քննում նաեւ Վենետիկի Մխիթարյան մատենադարանի ՏՊ 268/915 «Ոսկեփորիկում»: Ըստ ձեռագրացուցակի կազմող Բարսեղ վրդ. Սարգիսյանի՝ այս ժողովածուի մեջ Ս. Դիոնիսիոս Արեոպագացու երկերի լուծմունքները գրված են Կիրակոս Երզնկացու համար Հովհաննէս գրչի կողմից. «Ո՛վ արքա իմ եւ փեր, րաբունի բարի եւ իմաստուն, համայն ցանգալի Կիրակոս, զսակաւ գծեալս ընկալ ի մէնջ, եւ զքո աղքատ հոգով Յոհաննէս մի՛ մոռանայր ի մաքրափայլ յաղօթս քո, իսկ գրոյս անմեղադիր [ւեր], զի կար իմ այսչափ էր»⁴⁴: Այնուհետեւ սկզբնաղբյուրները լուծում են Կիրակոսի գործունեության մասին մինչեւ 1317 թ.: Հավանաբար նա արդեն ավարտել էր իր ուսումնառությունը Գլաձորում, Եսայի Նչեցուց սրացել վարդապետական գավազան եւ դասավանդությամբ էր զբաղվում իր սիրելի կրթօջախում:

1317 թ. Գլաձորում ընդօրինակված Աստվածաշնչում, որի ծաղկողը նույն դպրոցի փառանդաշար մանրանկարիչներից Թորոս Տարոնացին⁴⁵ է, պահպանվել են մի քանի հիշարակարաններ Կիրակոս վարդապետի մասին: Ձեռագրի գրիչները կրկին գովեստով են խոսում այս Սուրբ Գրքի սրացող Կիրակոսի մասին՝ խնդրելով, որ Տէր Աստված ողորմած գրնվի նրա հանդեպ երկրորդ գալստյան ժամանակ՝ հավելելով. «Զամենամեղ ոգի՛ գԿիրակոս գրիչ եւ սրացող Սուրբ Կրակացս, եւ զծնադնս իմ եւ զերջանիկ րաբունապետս մեր, որ

42 ՄՄ ձեռ. ՏՊ 3931, 1309 թ., էջ 272բ-273ա, «ԺԴ. դարի հայերեն ձեռագրերի հիշարակարաններ», էջ 60-61, **Ա. Ն. Սրապյան**, Բանասիրական ճշգրտումներ, էջ 191:

43 ՄՄ ձեռ. ՏՊ 3778, 1315 թ., էջ 465բ, «ԺԴ. դարի հայերեն ձեռագրերի հիշարակարաններ», էջ 116:

44 «Մայր ցուցակ ձեռագրաց մատենադարանին Մխիթարեանց ի Վենետիկ», յօրինեց Ն. Բարսեղ Վ. Սարգիսեան, Խ. Բ., Վենետիկ, 1924 էջ 882, «ԺԴ. դարի հայերեն ձեռագրերի հիշարակարաններ», էջ 61, **Ա. Ն. Սրապյան**, Բանասիրական ճշգրտումներ, էջ 191:

45 Նրա մասին փն է **Լ. Գ. Խաչերյան**, Հայագիր դպրոթեան ուսումնագիտական կենտրոնները, դպրոցները, դպրեվանքերը, վարդապետարանները, ճեմարանները, ակադեմիաները եւ համալսարանները Միջնադարյան Հայաստանում եւ Կիլիկիայում (V-XVI դդ.), էջ 71-75:

գործնական շնորհեաց, յիշել աղաչեմ, եւ Աստուած զձեզ յիշէ. ամէն»⁴⁶, «Զանալի-
քան զծող եւ զսպացող սուրբ քառիս եւ զեղբարորդիս իմ զՅովհաննէս սար-
կաւագ, որ զանձն ի յաշիսարանս եղ՝ ջանակից լինել մեզ, մանաւանդ թէ գյուղով
մասն սա գրէ, վասն որոյ աղաչեմ յիշ[ել] ի Տէր զիս՝ զապիկարս Կիրակ[ոս],
եւ զՅովհաննէս, զծնաւուն մեր, եւ Աստուած յիշողս յիշէ. ամէն»⁴⁷, «Որ սպա-
նէր զվիշապն մեծ՝ զամբարաբարս հայրն չարեաց, սպան եւ զիմ հոգւոյս դրժողն՝
զիմանալի եւ զգալին, դարձոյ զվնասակար քո ծառայի՝ Կիրակոսի վարդապետի,
եւ զանմարմինն անլոյծ կապեալ ի շղթայի այժմ եւ յաւուրն ապագայի. ամէն»⁴⁸,
«Ով սրբասնեալ րաբունի Կիրակոս, անարժան նկարչիս Թորոսի յանցանաց թո-
ղութին հայցեալ ի Քրիստոսէ Աստուծոյ»⁴⁹, «Տէր Աստուած, ի Քո միսսանգամ
զալսպեանդ ողորմեալ Կիրակոս վարդապետի եւ Յովհաննիսի եղբորորդոյն իւրոյ
եւ ամենայն արեան մերձաւորաց...»⁵⁰:

Վերոգրյալ Աստվածաշնչի գրությունից մեկ փարի անց Սյրեփանոս, Կյու-
րակե եւ Նովհաննէս Երզնկացի գրիչների կողմից Եսայի Նչեցի րաբունապետի
համար ընդօրինակվում է եւս մեկ Աստվածաշունչ մատյան, որն այժմ Մաշտոց-
յան Մատենադարանի ՏՊ 206 ձեռագիրն է՝ մագաղաթյա, երկսյուն գրությամբ,
բոլորգիր՝ մարգարաշար վայելչագրությամբ եւ ինքնափայ զեղարվեստա-
կան լուծումներով⁵¹: Հայագիտության անխոնջ մշակ եւ մեր Եկեղեցու բանիմաց
հոգեւորականներից Գարեգին Նովսեփյանն այս Աստվածաշունչն անվանում է
«Գլածորի դպրոցի գրչության գլուխգործոց»⁵²: Նա այս մատյանի գրիչ Կիրակո-
սին (ձեռագրում՝ Կիրակէ) սխալմամբ նույնացնում է Կիրակոս Երզնկացու հետ:
Այս հարցում մեծանուն հայագետի հետ համակարծիք է նաեւ Լեւոն Խաչերյա-
նը⁵³:

Պետք է նշել, որ վերոգրյալ ձեռագիրն ունի մի քանի գրիչներ, որոնց մեջ
հիշարակվում է նաեւ «Կիրակէ» անունով մեկը: Արդյո՞ք այս ձեռագրում հիա-
շարակված «Կիրակէ» գրիչը եւ Կիրակոս վրդ. Երզնկացին նույն անձն է:
Գարեգին Նովսեփյանի եւ Լեւոն Խաչերյանի կարծիքներից առաջ Հարություն
Քյուրքյանն արդեն կասկածի փակ է առել այս նույնականացումը՝ բերելով մի
շարք հակափաստեր: Ըստ նրա՝ «Կիրակէ» անունը Կիրակոսի սղագրյալ ձեւերից

46 ՄՄ ձեռ. ՏՊ 353, էջ 32բ:

47 Անդ, էջ 70բ:

48 Անդ, էջ 622ա:

49 Անդ, էջ 90բ:

50 Անդ, էջ 359ա:

51 Ձեռագրի ամբողջական նկարագրությունը տես «Մայր ցուցակ հայերէն ձեռագրաց Մաշտոցի անուան
Մարենադարանի», Ի. Ա., կազմեցին՝ Օ. Եգանյան, Ա. Զեյթունյան, Փ. Անթաթյան, խմբագրությամբ՝ Ա.
Մնացականյանի, Օ. Եգանյանի, Երեւան, 1984, էջ 913-919:

52 Տե՛ս Գարեգին Կաթողիկոս Յովսէփեան, Խաղբակեանք կամ Պոռնեանք հայոց պատմութեան մէջ,
էջ 268:

53 Տե՛ս Լ. Գ. Խաչերյան, Հայագիր դպրութեան ուսումնագիտական կենտրոնները, դպրոցները,
դպրեւանքները, վարդապետարանները, ճեմարանները, ակադեմիաները եւ համալսարանները Միջնադարյան
Հայաստանում եւ Կիլիկիայում (V-XVI դդ.), էջ 73:

չէ: Բացի այդ, մեր մարենագրության մեջ ունենք «Կիրիկէ» կամ «Կորիկէ» անձնանունները: 1317 եւ 1318 թթ. գրված այս երկու Աստվածաշունչների հիշարարականների ոճը նույնպէս փառքեր է, եւ «Կիրակէ» գրիչը սիրում է իր ծնողներին «քաղցրիկ» անվանել՝ ի փառքերություն Կիրակոս Երզնկացու⁵⁴: Աջքի անցկացնելով Կիրակոս թաքունու երկերի ձեռագրերը եւ նրա մասին պահպանված հիշարարականները՝ պէտք է եւս մեկ անգամ ընդգծենք, որ ոչ մի փոքր Կիրակոսը «Կիրակէ» կամ «Կիրիկէ» ձեռով հանդես չի գալիս, ուստի այս ձեռագրում հիշարարական գրիչը եւ Կիրակոս թաքունապետը նույն ժամանակաշրջանում գործած փառքեր անձեր են⁵⁵:

1322 թ. Կիրակոսն արդեն ավարտել էր առավելապէս հովվական եւ դասարիարակչական ուղղվածություն ունեցող «Բանք խրատականք» աշխատությունը, որը հեղինակի մի քանի այլ գործերի նման երջանիկ պատահականությամբ մեզ է հասել ձեռագիր մեկ ընդօրինակությամբ⁵⁶:

Այս 1324 թ. Կիրակոս Երզնկացուն հանդիպում ենք Երզնկայում, որի մասին վկայում է Մաշտոցյան Մարենադարանի Շ^տ 2329 ձեռագրի հետագա հիշարարականը. «Եւ՝ Կիրակոս վարդապետս բնակեցա ի լերինս Սուրբ Լուսատրեխ: Աղաչեմ զվերջոյ եկեալսդ յիշել զմեզ ի Քրիստոս, եւ Աստուած զձեզ յիշէ. ամէն»⁵⁷:

Սրանից մեկ փարի անց՝ 1325 թ., նույն Երզնկայում Կիրակոս Երզնկացու պարվերով Կարապետ երեցն ընդօրինակում է Փիլոն Եբրայեցու (ն. Ք. 25-Ք. հ. 50) երկերը: Մաշտոցյան Մարենադարանի Շ^տ 2100 ձեռագրի գրիչը մասնավոր նշում ունի պարվիրափոր վարդապետի մասին՝ ընդգծելով, որ այն գրվել է «ի խնդիր սրբամաքուր եւ հոգիացեալ վարդապետին Կիրակոսի»⁵⁸: Ձեռագիրն ունի նաեւ սրացողների մասին հիշարարություն. «Զվերջին սրացաւ այս իմաստաբագի՞մ մեկնողի՞ զԳրիգորիս, եւ զվարդապետ Կիրակոս յիշեալ աղաչեմ ի մեղաց քաւորին»⁵⁹: Ներաբրքական է, որ 17 փարի անց՝ 1342 թ., նույն Կիրակոս թաքունապետի եւ նրա գործակից Նովհաննես վարդապետի խնդրանքով Թորոս գրիչն ընդօրինակում է կրկին Փիլոն Եբրայեցու գործերը, որի մասին է վկայում Մաշտոցյան Մարենադարանի Շ^տ 2102 ձեռագիրը. «Զսրացաւ աստուածային մարենիս՝ զերանաշնորհ, եռամեծ թաքունապետն Կիրակոս եւ զնուասր ծառայ նորին՝ զՅովաննէս պիտականուն վարդապետ, սրացաւ քսորք փառիս Փիլոնի մեծի յիշեցէք ի Տէր Յիսուս Քրիստոս եւ հայցեցէք թողութիւն մեղաց

54 Տե՛ս Յ. Քիրարեան, Երիզա եւ Եկեղեց գաւառ, էջ 227-228:

55 Նմմ. Ա. Ն. Սրապյան, Բանասիրական ճշգրտումներ, էջ 193:

56 Տե՛ս Զարարիկ վարդապետ Բաղուշյան, Կիրակոս վարդապետ Երզնկացու «Բանք խրատականք» երկը. «Էջմիածին», 2013, Ե., էջ 75-87:

57 ՄՄ ձեռ. Շ^տ 2329 (1291 թ.), էջ 302բ:

58 ՄՄ ձեռ. Շ^տ 2100 (1325 թ.), էջ 336ա:

59 Անդ, էջ 131ա:

մեզ եւ ծնողաց մերոց»⁶⁰: Այս հենքի վրա ուշագրավ է, որ Կիրակոսի պարզերով ընդօրինակվել են նաեւ Քրիստոսի Եկեղեցու փաստերկու վարդապետներից՝ Ս. Դիոնիսիոս Արեւոպագացու (Ա. դ.) երկերը: Մաշտոցյան Մարենադարանի ՏՊ 169 ձեռագիրը (ԺԳ.-ԺԴ. դդ.) ունի մի քանի վկայություն ձեռագրի սրացող Կիրակոս վարդապետի մասին. «Ջերջանիկ եւ գեղեցիկ վարդապետն զԿիրակոս՝ զսրացաւ սուրբ կրակիս, յիշեսցիք ի Տէր, ո՛վ ուսումնասէրք, եւ զանպիտան գր[իչս], աղաչեմ»⁶¹, «Սրացողի սորա՝ Կիրակոս վարդապետի ողորմեսցի ի Քրիստոս, եւ մեղուցեալ գրչի»⁶², «Ջերջանիկ բաբունին՝ զԿիրակոս զսրացող գրոցս յիշեսցիք ի Տէր եւ զծնաւոյսն իւր, եւ զբազմամեղ գրաւոյս հանդերձ իմովքն»⁶³: Այս ձեռագրի հիշատակարանից իմանում ենք նաեւ, որ այն գրվել է Կայիփոսի վանքում, որտեղ հավանաբար ուսուցչություն էր անում Կիրակոս Երզնկացին: Վերջինիս նախաձեռնությամբ գրված վերոգրյալ եւ նմանաբնույթ ձեռագրերը ցույց են տալիս, որ Երզնկայի դպրոցում մեծ ուշադրություն են դարձրել նաեւ հայրաբանական գրականությանը, որի օգնությամբ սաները հաղորդ են դարձել Եկեղեցու Հայրերի հոգեշահ գրվածքներին:

1328 թ. Կիրակոս Երզնկացուն փեսանում ենք Երկայնի Ս. Գեորգ վանքում: Միխիթար Երզնկացու Աստվածաշնչի գրչի հիշատակարանում ասվում է. «Արդ, գրեցաւ զիրքս այս ի գաւառն Եկեղեցաց, ի վանսն, որ կոչի Երկայնի, յորում է մեծ եւ հռչակաւոր վարդապետն Կիրակոս՝ արժանատուն ամենայն գովեստի եւ յիշման, ի մեծի թուաբերութեան հայոց ՉՆԷ. (1328)»⁶⁴: Մեջբերելով այս հիշատակարանը եւ ընդհանրացնելով փաստերը՝ Գառնիկ Սրեմիանյանը դիպուկ նկատում է. «Միայն հարգանքի սովորական արարահայրություն համարել այդ մակդիրները՝ ճիշդ չի լինի: Ամենայն իրավամբ կարող ենք ասել, որ Կիրակոս Երզնկացին մասնավորապես 14-րդ դարի առաջին փասնամյակներում Երզնկայի գավառում եղել է ճանաչված կրթական գործիչ, եւ ըստ երեւոյթին ժամանակի ամենից հռչակված վանքերը միմյանց ձեռքից են խլել նրան՝ իրենց կրթական կշիռը բարձրացնելու ազնիվ մղումով»⁶⁵:

1330 թ. Կիրակոս Երզնկացին արդեն Երզնկայից հեռու է՝ Ջուղայում: Այս մասին է փաստում Կիրակոսի ձեռքով գրված Նոր Ջուղայի մարենադարանի ՏՊ 47 ձեռագիր Ավետարանը, որում պահպանվել են մի քանի հիշատակարան. «Արդ, գրեցաւ սա ի թուականութեան Հայկազեան փումարիս ՉՆԹ. (1330), ի հայրապետութեան փեսան Յակոբայ եւ ի թագաւորութեան Հայոց Լեւոնի եւ Վրաց Գեորգայ եւ ի ղանութեան Պաւսայիսի յանապատիս Ջղաւնա, ընդ հովա-

60 ՄՄ ձեռ. ՏՊ 2102, 1342 թ., էջ 154ա:

61 ՄՄ ձեռ. ՏՊ 169, ԺԳ.-ԺԴ. դդ., էջ 156բ:

62 Անդ, էջ 186ա:

63 Անդ, էջ 247ա:

64 Վենետիկի Մխիթ. մատ. ձեռ. ՏՊ 19/212. փեն «Մայր ցուցակ հայերէն ձեռագրաց Մարենադարանին Մխիթարեանց ի Վենետիկ», հ.Ա., էջ 160, «ԺԴ. դարի հայերէն ձեռագրերի հիշատակարաններ», էջ 212:

65 Գառնիկ Սրեմիանյան, *ևշվ. աշխ.*, էջ 261:

նեաւ Սուրբ Աստուածածնիս եւ աստուածակիր սուրբ Նշանացս: Ձեռամբ ամենամեղ եւ անաբժան ծառայի Աստուծոյ Կիրակոսի պիտրակ անուն վարդապետի Երզնկայեցոյն նշդեհի»⁶⁶, «Յիշել աղաչեմ եւ գԳեորգ կրանաւոր, որ ազնեաց յողդելն, եւ նշդեհակից մեզ էր եւ ցաւակից յամենայնի, եւ Աստուած գլիշողսդ յիշէ եւ որ գամէնն ասէ, ամէն»⁶⁷ եւ այլն: Ինչպէս փեսնում ենք, ձեռագրի հիշապակարանը Կիրակոսի համար գործածում է «նշդեհ»՝ պանդուխտ բառը, իսկ Գեորգ կրոնավորի դեպքում՝ «նշդեհակից»: Մեզ հայրնի չէ, թե ինչո՞ւ է Կիրակոսը թողել հայրենի Երզնկան եւ պանդխտել Ջուղա, ինչպէս նաեւ, թե ե՞րբ է վերադարձել հայրենի գավառ: Նարոթյուն Քյուրյանը, մեջբերելով անանուն ժամանակագրի մի վկայությունը՝ «Ի թվին ՉՆԸ. (1329) Եզնկիս փանուրերքն ի վեր Խանն գնացին եւ գխարանն ու այլ շար չարեր բարձին Պոսայիդ Խանին բանի, եւ ոչ գնաց յառաջ ի չար պարոնացն ձեռաց», գրում է. «Նավանական է, որ իբր համբավյալ կրոնական, Կիրակոս Երզնկացի ըլլար այն պարվիրակության մեջ, որ Երզնկայի փանուրերները Աբուսաիդ Խանին դրկեցին՝ իրենց վրա ճնշող փորձերու մեղմացման կամ բարձման համար: Այս բանը թեւեւ ձեռք բերվեցավ, սակայն չգործադրվեցավ Երզնկայի թուրք իշխանավորներուն կողմէ»: Քյուրյանը նաեւ մեջբերում է մեկ այլ փեղեկություն, ըստ որի 1330 թ. Սարգիս եպիսկոպոսը գնաց Խանի մոտ եւ մեկ փարի անց պարվով վերադարձավ: Այս երկու փեղեկությունների հիման վրա նա ենթադրում է, որ հենց այս գործով Կիրակոսը գնաց Պարսկաստան եւ այնպեղ նյութական կարիքի պարճառով ընդօրինակեց վերոբերյալ Ավետարանը⁶⁸:

1331 թ. Կիրակոս Երզնկացու պարվերով նրա աշակերտ Մկրտիչ դպիրն ընդօրինակում է Մովսես վրդ. Երզնկացու († 1325) Ժամակարգության եւ Ս. Պարարագի մեկնությունները: Երուսաղեմի մարենադարանի Ն^ֆ. 395 ձեռագրում այս մասին պահպանվել են երեք նույնափայ հիշապակարաններ. «Զսրացաւ յոսազարդ փառիս գեղեցից արդիւնաբան վարդապետն գԿիրակոս, եւ գսրտն խոցեալս գՄկրտիչ դպիր, յիշեսցիք ի Տէր, աղաչեմ»⁶⁹:

1334 թ. Կիրակոս թաքունու պարվերով Թորոս սարկավազն ու Մանուելն ընդօրինակում են Տիեզերական Եկեղեցու յոսազարդ այրեր Ս. Նովիան Ոսկեբերանի եւ Ս. Եփրեմ Ասորիի՝ Պողոսի ԺԴ. թղթերի մեկնությունները: Ինչպէս արդեն նշել ենք, հենց այս ձեռագրում էլ պահպանվել է եզակի մի մանրանկար Կիրակոսի պարվերով: Բացի կենսագրական կարեւոր փեղեկություններից, ձեռագիրն ունի նաեւ մի բանի հիշապակարան Կիրակոս վարդապետի մասին. «Զսրացաւ գրոցս գկայծակնամարտր վարդապետաց վարդապետն՝ գԿիրա-

66 «Յուցակ ձեռագրաց հայրենէն ձեռագրաց Նոր Ջուղայի Ամենափրկիչ վանքի», Կ. Ա., կազմեց Սմբատ Տէր-Անդրիսեան, Վիեննա, 1970, էջ 66:

67 Անդ. էջ 67:

68 Տե՛ս Ն. Քիրյան, Անփայ փաղեր Կիրակոս վարդապետ Երզնկացիէ, էջ 92:

69 «Մայր ցուցակ ձեռագրաց Սրբոց Յակոբեանց», կազմեց Նորայր եպ. Պողարեան, Կ. Բ., Երուսաղեմ, 1967, էջ 322:

կոս եւ գեղբարորդին իր՝ գՅովհաննէս վարդապետ, յիշեա՛, ո՛ր ընթերցող ի Տէր. ամէն»⁷⁰, «Զգրող գրոյս մի՛ մոռասցիս, ո՛ր պարտական բարոնապետ»⁷¹ եւ այլն:

1341 թ. Կիրակոսը կրկին հայրենի Երզնկայում էր: Այս մասին է վկայում Վենետիկի Մխիթարյան միաբանության ձեռագրաւորը պահպանվող Վարդան վրդ. Արեւելցու († 1271) Սաղմոսաց մեկնության Շ^տ 1365/278 ձեռագիրը, որը գրչության ժամանակի հիշարարարան չունի: Նստակ է, որ այն 1341 թ. գնել եւ նորոգել է Կարապետ երեցը: Այսպէս ինչ կարելի է եզրակացնել, որ ձեռագիրը ԺԴ. դարի գրչություն է, քանզի հիշարարարակում է նաեւ Կիրակոս Երզնկացու անունը. «Արդ, պարմնեցից ձեզ գհանդիպումն աստուածաշունչ քնարիս, զի գառաջինն երեկ Մեսրոպ վարդապետն ի րեղս առ մեզ եւ կամք ունէր, որ ժամանակ մն[այր] դադարէր ի դոմն Սուրբ Աստուածամարս եւ սպասաւորի [անար] ժանիս, որ Կարապետ անուանի եւ ընդ միեղէն եղբարց: Եւ րեսեալ զմեկնիչս, փափաքեցաւ առնուլ, զի յաւարար աշխարհէ բերին զարառս, նայ մեր մեշտնակից եւ սնընդակից եղբա[յր] Աւաքն շարժեալ ի սէր նորայ, մէք եւս առաւել յորդորեցաք զնայ, որ գնեաց զգիրքս ի վայելումն վարդապետին: Եւ վարդապետն կամեցաւ զնալ Յեզնկան՝ առ Կիրակոս վարդապետն, շարժիլ ի նմանէ եւ հրաման առնուլ եւ դառնալ առ մեզ: Եւ ի գնալն նորայ ըզգիրքս առ մեզ եթող, բայց մեր մեղացն պարտուհասն, որ րիբեաց աշխարհի, եւ նայ ընդ այն րարաժամ մահու վաղջանեալ անդ, եւ իւր աղբարն երեկ Սարգիսն եւ երեք Կիրակոս վարդապետին գիրն, որ անդարձ էր արել Մեսրոպ վարդապետն ու ասել, թէ ի Կամախ գիրք կայ ինձ, ի Կարապետ երեցն ի մաւր նայ Եփիր աղբարն...»⁷²:

Փաստորեն Մեսրոպ վարդապետը րեսնում է Վարդան Արեւելցու Սաղմոսաց մեկնության ձեռագիրը եւ ցանկանում ձեռք բերել այն, բայց հավանաբար համապարասխան գումար չունենալու պատճառով եղբայր Ավագը ձեռագիրը գնում է Մեսրոպ վարդապետի համար: Սակայն վերջինս գիրքը թողնում է եւ վերադառնալու պայմանով ճանապարհ ընկնում Երզնկա՝ Կիրակոս բարոնապետի մոտ, բայց նա ճանապարհին վաղաժամ մահանում է եւ չի հասցնում հանդիպել նրան: Մեսրոպը, այնուամենայնիվ, հասցրել էր գրքի մասին րեղյակ պահել իր եղբորը: Եւ ահա նրա փոխարեն Կիրակոսի խնդրանք-նամակը երկրորդում է Մեսրոպ վարդապետի եղբայր Սարգիսը եւ նշում. «Գնեցի զսա ի հալալ արդեանց իմոց, ի վարժումն ոգոյս իմոյ եւ կապեցի ձեռաւք իմաւք՝ ըստ կարեաց իմոց»⁷³: Վարդանի այս մեկնությունը Կիրակոս Երզնկացու համար էր, որը նա հավանաբար պիտի օգտագործեր դասախոսություններ պարբերաբար եւ աշակերտներին ուսուցանելու համար: Չպետք է մոռանալ, որ Կիրակոս Երզնկացին քաջարեղյակ է ընդհանրապէս Վարդանի երկերին, որոնցից բա-

70 ՄՄ ձեռ. Շ^տ 1379, էջ 271բ:

71 Անդ, էջ 333ա:

72 «Մայր ցուցակ հայերէն ձեռագրաց ի Վենետիկ», հ. է., Տօնապարճառ ժողովածոյ, Մարտնագիրք հայոց, յօրինեց Ն. Սահակ վրդ. Ճեմճեմեան Մխիթարեան Ուխտէն, Վենետիկ-Ս. Ղազար, 1996, էջ 710:

73 Նոյն րեղում:

ռացի եւ իմաստասիրական մեջբերումներ է կատարել իր փառքեր գործերում: Մեծ է եղել այս մեծանուն վարդապետի ազդեցությունը Կիրակոսի աստվածաբանական մտածողության վրա: Այս փաստը ցույց է տալիս նաեւ հայկական փառքեր աստվածաբանական դպրոցների եւ հայրնի վարդապետների միջեւ սրեղծված հոգեմտավոր կապը՝ հանուն Հայոց Եկեղեցու ուղղափառ դավանության անադարպության եւ Սրբազան Ավանդության պահպանման:

1346 թ. արդեն ընդօրինակված ենք փեսնում Կիրակոս րաբունապետի՝ Սաղմոսաց գրքի ԻԸ. 3 համարի բացատրությանը նվիրված մեկնողական հեղափոխական ճառը, որը մեզ է հասել կրկին ձեռագիր մեկ օրինակով⁷⁴: Նույն այս ձեռագրում պահպանվել է նաեւ Կիրակոսի մյուս երկը՝ «Նախերգան Տեառնընդառաջին» ուղագրավ ճառը⁷⁵:

Կիրակոս Երզնկացին կյանքի մայրամուտին անդրադառնում է Ս. Եւագր Պոնուրացու (Դ. դ.) գրական ժառանգությանը եւ լուծմունքներ գրում նրա «Յաղագս Ը. խորհրդոցն»⁷⁶ եւ «Նարիւրաւորք վեցերորդք» աշխատությունների վերաբերյալ, որոնք պահանջում էին ոչ միայն քրիստոնեական գիտելիքներ, այլեւ ներանձնական հոգեւոր փորձառություն: Եւագրի «Նարիւրաւորքի» լուծմունքը Կիրակոսից մեզ հասած վերջին աշխատությունն է, որի հիշատակարանում հեղինակն ասում է. «Ես նուստս եւ յերկնս ի վարժապետաց Կիրակոս ի յոթ հարիւր եւ յերեք (1354) թուականիս Հայոց արարի գվերլուծութիւն «Նարիւրաւորք» սուրբ հօրն Եւագրեայ՝ քկար գոյով հոգով եւ մարմնով, եւ անիմաստ եւ փոքրաքար մարօք»⁷⁷:

Ի փառքերություն Կիրակոսի ծննդյան թվականի անորոշության, ավելի որոշակի է նրա մահվան փառքերով: Մեզ են հասել հենց Կիրակոսի աշակերտ Սրեփանոս երեցի ձեռքով գրված երկու ձեռագիր, որոնցում պահպանվել են արժեքավոր հիշատակարաններ խնդրի վերաբերյալ: 1355 թ. Երզնկայում գրված Մաշտոցյան Մատենադարանի ՏՊ 3276 ձեռագրում ասվում է. «Գրեցաւ սա ՊԴ. (1355) թվին յամսեան օգոստոսի Դ. (4), ի վայելումն եւ յիշատակ Գրիգոր արեղային գրոց աշակերտի եւ բանի սպասաւորի, որ ետ գրել զսա՝ յիշատակ իւր եւ ծնօղաց իւրոց եւ ամենայն արեան առուաց եւ համօրէն իւր երախ-

74 Տե՛ս **Զարարիա արեղա Բաղումյան**, Կիրակոս վարդապետ Երզնկացու ԻԸ. 3 սաղմոսի մեկնությունը. «Էջմիածին», 2012, Է., էջ 64-91:

75 Տե՛ս **Տիգրան սրբ. Բաղումյան**, Կիրակոս վարդապետ Երզնկացու «Նախերգան Տեառնընդառաջին» ճառը. «Էջմիածին», 2011, Գ., էջ 82-109: Տարիներ ատառձ այս ճառը հրապարակել ենք՝ ըստ Մաշտոցյան Մատենադարանի ՏՊ 2187 ձեռագրի (էջ 245ա-267ա): Ուրախությամբ պիտի նշենք, որ այսօր մեր ձեռքի փակ ունենք նաեւ ճառի ԺԴ. դարի վենետիկյան ընդօրինակությունը, որն իր գրչությամբ ավելի է ներմուծ, քան Մաշտոցյան Մատենադարանինը, չնայած այն չունի ընդօրինակման հստակ թվական: Ճառի համեմատական բնագիրը շուրջով կիրառարարակենք Կիրակոս Երզնկացու կյանքին, գործունեությանը եւ մատենագրական վաստակին նվիրված մեր ուսումնասիրության մեջ՝ այնուհետ գեղեցիկով Կիրակոսից մեզ հասած բոլոր երկերի բնագրերը:

76 Տե՛ս **Զարարիա վարդ. Բաղումյան**, Կիրակոս վարդապետ Երզնկացու՝ Ս. Եւագր Պոնուրացու ութ մեղքերի մեկնությունը. «Էջմիածին», ԺԲ., էջ 74-114:

77 ՄՄ ձեռ. ՏՊ 1980, 1391 թ., էջ 160բ:

տառապանքն էր և սուրբ քաբունապետացն իւրոց Կիրակոսի և Յովանիսի, որոց յիշարական արհնութեամբ եղիցի, և բանք նոցա առաւել պարզաբերեսցի»⁷⁸: Ավելի արժանահավար և սպույզ է մյուս հիշարակարանի հաղորդած փեղեկությունը. Երուսաղեմի մարենադարանի Ն^Պ 1236 ձեռագրի հիշարակարանում, որը գրվել է 1356 թ. մարտի 18-ին Սյրեփանոս երեցի կողմից, ասվում է. «Յիշեսցիք և զերջանիկ և զերիցս երանեալ քաբունապետն մեր զԿիրակոս վարդապետն, որ յայսմ ամի փոխեցաւ առ Քրիստոս, նոյեմբեր ԺԷ., և զմեզ եթող որքս յայս կենցաղս...»⁷⁹: Ներագոյությունների մեծ մասը (Նարություն Քյուրյան, Արմենուհի Սրապյան, Ավետիս քին, Դանիելյան, Նակոր Քյուսեյան), նկարի ունենալով այս վերջին հիշարակարանը, իբրև Կիրակոսի մահվան տարեթիվ նշել են 1356-ը, այսինքն՝ հիշարակարանի գրության թվականը: Բայց Նորայր արք. Պողարյանը կարծում է, որ Կիրակոս Երզնկացին մահացել է 1355 թ.⁸⁰: Նույն կարծիքին է նաև Գառնիկ Սյրեփանյանը, չնայած իր աշխարհության սկզբում տալիս է այլ թվական՝ 1372⁸¹:

Կիրակոսի ձեռնասուն Սյրեփանոսի առաջին հիշարակարանում, որը գրվել է 1355 թ. օգոստոսի 4-ին, Կիրակոսը դեռ ողջ է, քանզի նրանց ուսուցչի՝ Կիրակոս քաբունապետի մահվան մասին խոսք չկա: Եթե երկրորդ ձեռագիրը գրվել է 1356 թ. մարտ ամսին, ապա նոյեմբեր ամիսը սրանալու համար պետք է մի քանի ամիս եր գնալ: Ներեաբար, Կիրակոս Երզնկացին մահացել է 1355 թ. նոյեմբերի 15-ին, առաջացած տարիքում: Եթե մեր կարծիքը ճիշդ է նրա ծննդյան տարեթվի հարցում, ապա կստացվի, որ Կիրակոսը ծնվել է 1275 թ. և մահկանացուն կնքել 1355 թ.⁸² 80 տարեկանում:

Մեկ այլ խնդիր է նաև, թե որտեղ է թաղված մեծանուն այս վարդապետը: Ըստ Նակոր Կարնեցու (ԺԷ. դ.) վկայության՝ Երզնկայում կա հինգ եկեղեցի, որտեղ «է դամբարան սրբոց վարդապետացն Յոհաննէս Պրլուզին, որ «Լուսաւորչին անձինքն» է ասացեալ, և Կիրակոս վարդապետին, որ «Արեւելքն» է ասացեալ»⁸²: Հիմք ընդունելով այս վկայությունը՝ ուսումնասիրողների մեծ մասը կարծիք է հայտնել, որ Կիրակոս Երզնկացին թաղվել է Երզնկայի Ս. Սարգիս Եկեղեցու մեջ, չնայած Նակոր Կարնեցին չի մասնավորեցնում եկեղեցու անունը: Անդրադառնալով առաջացած շփոթությանը՝ Արմենուհի Սրապյանը նշում է, որ Երզնկայի մասին ձեռագրերում պահպանվել են հարույկ Աշխարհացույցներ, որտեղ նշվում են նաև նշանավոր վարդապետների թաղման տեղերը: Նմանատիպ հիշարակարաններից մեկից պարզ է դառնում, որ Կիրակոս քաբունապետը

78 ՄՄ ձեռ. Ն^Պ 3276, ԺԷ. դ., էջ 191ա:

79 «Մայր ցուցակ ձեռագրաց սրբոց Յակոբեանց, հ. Դ.», կազմեց Նորայր եպս. Պողարեան, Երուսաղեմ, էջ 384:

80 Տե՛ս Նորայր եպս. Պողարեան, Նայ գրողներ Ե.-ԺԷ. դար, էջ 384:

81 Գառնիկ Սյրեփանյան, նշվ. աշխ., էջ 166, 261:

82 Յակովբ Կարնեցի, Տեղագիր Վերին Նայոց, Վաղարշապատ, 1903, էջ 12, «Մանր ժամանակագրություններ XIII-XVIII դդ.», հ. II, կազմեց Վ. Ա. Նակոբյան, Երևան, 1956, էջ 551:

յը թաղվել է Երկանի Ս. Գեորգ եկեղեցու փարածքում. «...եւ Ս. Գեորգ, որ Երկանի վանք ասի, եւ է Բ. եկեղեցի՝ մինն Ս. Գեորգ, եւ միսն՝ Ս. Աստուածածին, եւ ԻՂ. գերեզման կա վարդապետաց՝ մինն Կիրակոս Եզնկացին, որ «Արեւելք» շարականն ասաց»⁸³:

Այսպիսով, ներկայումս մեր ունեցած սկզբնաղբյուրների հիման վրա ամբողջանում է ԺԳ.-ԺԴ. դդ. կարկառուն ազգային-եկեղեցական գործչի եւ Երզնկայի դպրոցի թաբունապետներից՝ Կիրակոս Երզնկացու կենսագրությունն ու գործունեությունը. մարավորական մի հոգևորականի, որն իր ողջ գիտակցական կյանքը նվիրաբերել է Աստուծո խոսքի քարոզությանն ու մարտադ սերնդի դաստիարակությանը՝ միշտ նախանձախնդիր լինելով Նայոց եկեղեցու ուղղափառ դավանության պահպանմանն ու ջանադրությանը:

Աստվածաբան, իմաստասեր, գեղագետ, մանկավարժ, ձեռագրերի գրիչ կամ պատվիրատու այս թաբունապետը, չնայած ժամանակի դժվարություններին, թշնամու կողմից երկրին հասած պատուհասներին ու դժնդակ օրերին, երբեք չի ընկճվել եւ չի դադարել արարելուց, քանզի մշտապես ապավինել է Տիրոջ ողորմածությանը եւ հավատարմել է վերուստ իրեն վերապահված առաքելությանը՝ սերունդ կրթել եւ մշտամնա արժեքներ փոխանցել աշակերտներին: Լայնախոհ եւ հասարակության լայն շրջանակների առաջ բաց լինելու շնորհիվ նա շահել եւ գրավել է շատերի սրտերը, որոնք նրա անձի մեջ առաջին հերթին փնտել են հոգևոր հորն ու նախանձախնդիր հայ մարդուն: Նրա խոսքն առավել գործ է, իսկ հավատքը՝ կենդանի գործերով վկայված ու ամրագրված: Միով բանիվ՝ Կիրակոս Երզնկացին իր գործունեությամբ եւ մարտնչական ժառանգությամբ այն հեղինակն է եւ թաբունապետը, որն արժանի է հարգանքի եւ մեծարման, իսկ նրա աշխատությունները՝ համակողմանի ուսումնասիրության եւ արժեւորման:

⁸³ ՄՄ ձեռ. Ն^ֆ 8727, ԺԷ դ., Ժողովածու, էջ 433բ, **Արմենուհի Սրապեան**, Կիրակոս Երզնկացի. բանասիրական ճշգրտումներ, էջ 200: